




საშურის მოახბა



№27(400) 24 ივლისი, ორშაბათი, 2023 წელი

საშურის მუნიციპალიტეტის ისრაელის საგანგებო და სრულუფლებიანი ელჩი საქართველოში ჰადას მეიცადი სტუმრობდა

ელჩმა სურამში ებრაული სინაგოგა მოინახულა და შეხვედრა გამართა საშურის მუნიციპალიტეტის მერთან თენგიზ ჩიტიაშვილთან და მუნიციპალიტეტის საკრებულოს თავმჯდომარე ნინო ლიპარტელიანთან. შეხვედრას ესწრებოდნენ სურამში ებრაული თემის წარმომადგენლები, ადგილობრივები, შიდა ქართლის „შალომ კლუბის“ წევრები - მაშავის პროგრამების კურსდამთავრებულები.

შეხვედრაზე ხაზგასმით აღინიშნა ქართველ და ებრაელ ხალხებს შორის მრავალსაუკუნოვანი ურთიერთობის ფუნდამენტური მნიშვნელობა საქართველოსა და ისრაელის სახელმწიფოებს შორის პარტნიორობისას, გამოითქვა სამომავლო თანამშრომლობის იდეები.

შეხვედრას ესწრებოდა მაშავის (ისრაელის საერთაშორისო განვითარების თანამშრომლობის პროგრამის) საქართველოს ოფისის დირექტორი გიორგი ჟენტი, რომელმაც ისაუბრა იმ პროგრამების და შესაძლებლობების შესახებ, რასაც მაშავი სთავაზობს საქართველოს მოქალაქეებს.

ცოდნა და გამოცდილება, რასაც მაშავის კურსების ქართველი მონაწილეები ისრაელში იძენენ, საქართველოს განვითარებაში ჩადებული ინვესტიციაა, - აღნიშნა ჰადას მეიცადმა.

დაისახა საშურის მუნიციპალიტეტისა და „შალომ კლუბ შიდა ქართლის“ სამომავლო თანამშრომლობის პერსპექტივები.



შეხვედრა შიდა ქართლში სახელმწიფო რწმუნებულის ინიცირებით მოეწყო. მას სახელმწიფო რწმუნებულის აპარატის ხელმძღვანელი - ქეთევან ციმაკურიძე უძღვებოდა.

ბიუროს სხდომა

17 ივლისს, საშურის მუნიციპალიტეტის საკრებულოს ბიუროს სხდომა გაიმართა. სხდომას საკრებულოს თავმჯდომარე ნინო ლიპარტელიანი უძღვებოდა.

ბიურომ იმსჯელა „საშურის მუნიციპალიტეტის მერიის თანამდებობის პირთა, პროფესიულ საჯარო მოხელეთა რანგირების, საშტატო ნუსხდის დამტკიცების და თანამდებობრივი სარგოს ოდენობის შესახებ“ საშურის მუნიციპალიტეტის საკრებულოს 2017 წლის 4 დეკემბრის N47 დადგენილებაში ცვლილების შეტანის თაობაზე.

პროექტი მერიის ადმინისტრაციული სამსახურის ხელმძღვანელმა დავით კიკნაძემ წარმოადგინა.

ვრცლად სხდომის მასალები იხილეთ საკრებულოს ვებგვერდზე: Khashuri.org.ge



ივლისის ბოლოს ჰეპატიტის წინააღმდეგ ბრძოლის საერთაშორისო დღე აღინიშნება

ამ თარიღთან დაკავშირებით, საშურის საზოგადოებრივი ჯანდაცვის ცენტრის ინიცირებით და საშურის მუნიციპალიტეტის მერიის, მუნიციპალიტეტის საკრებულოს და გენდერული თანასწორობის საბჭოს ორგანიზებით, საშურის მუნიციპალიტეტის თანამშრომლებმა აივ ინფექციის, ტუბერკულოზის და C ჰეპატიტის კომბინირებული სკრინინგი ჩაიტარეს.

საშურის საზოგადოებრივი ჯანდაცვის ცენტრი კომბინირებული სკრინინგ კვლევის ჩატარებას მუნიციპალიტეტის ადმინისტრაციულ ერთეულებშიც გეგმავს. კვლევა უფასოა და მისი ჩატარება ნებისმიერ დაინტერესებულ პირს შეუძლია.



სოფელ ნაცარგორაში მისასვლელი გზის მოწყობის სამუშაოები აქტიურ რეჟიმში მიმდინარეობს

პროექტის ფარგლებში იგება ასფალტი და მიმდინარეობს სანიაღვრეების მოწყობა.

ნაცარგორამდე მისასვლელი გზის მოწყობის პროექტი მთლიანად ადგილობრივი ბიუჯეტიდან ფინანსდება. მისი ღირებულება 1 595 594 ლარია.

რეაბილიტირებული გზით 300-ზე მეტი ადგილობრივი და სოფლის სტუმარი ისარგებლებს.



ხაშურის მუნიციპალიტეტის საბიბლიოთეკო ბაერთიანების 2023 წლის 6 თვის მუშაობის ანგარიში

Table with 2 columns: # and description of library activities. Rows include statistics on book acquisitions, digital resources, and community events.

Table with 2 columns: # and description of projects and events. Rows list various cultural, educational, and community activities.

მთავარი ბიბლიოთეკა	
1	1 თებერვალი - საჯაროდ კითხვის მსოფლიო დღე - „კვითხულობთ ხმამაღლა“
2	8 თებერვალი - დავით აღმაშენებლის ხსენების დღე, ლიტერატურის გამოფენა, ლექცია თემაზე: „დავით აღმაშენებელი“.
3	19 - 25 თებერვალი - ოკუპაციის კვირეული.
4	27 თებერვალი - შეხვედრა მწერალთან და საზოგადო მოღვაწესთან თამარ შაიშველაშვილთან.
5	2 მარტი - ლიტერატურის გამოფენა მირზა გელოვანის დაბადების დღესთან დაკავშირებით.
6	3 მარტი - დედის დღე, შეხვედრა მრავალშვილიან დედებთან.
7	10 მარტი - ლიტერატურის გამოფენა ლევან გოთუას დაბადების დღესთან დაკავშირებით.
8	21 მარტი - დაუნის სინდრომის საერთაშორისო დღე. საინფორმაციო შეხვედრა მოსწავლეებთან და დაინტერესებულ პირებთან.
9	31 მარტი - ლიტერატურის გამოფენა ზვიად გამსახურდიას დაბადების დღესთან დაკავშირებით.
10	12 მაისი - ქრისტიანული დღესასწაულები და მათი მნიშვნელობა: ანდრია პირველწოდებულის საქართველოში შემოსვლის დღე.
11	14 მაისი - თამარობა, შეხვედრა თემაზე: „წმინდანად შერაცხული თამარი“.
12	30 მაისი - შეხვედრა ზეინაბ მეტრეველთან და გურამ ოდიშარასთან - ქვიშხეთის დიმიტრი ყიფიანის სახლ-მუზეუმში.
13	1 ივნისი - ბავშვთა დაცვის დღე - შეხვედრა თემაზე: „ბავშვთა უფლებები დღეს“
14	3 ივნისი - ტერენტი გრანელის დაბადების დღესთან დაკავშირებით ლიტერატურის გამოფენა.
15	4 ივნისი - აგრესიის მსხვერპლ ბავშვთა დაცვის საერთაშორისო დღე, შეხვედრა სოციალურ მუშაკებთან.
16	11 ივნისი - მორის ფოცხიშვილის დაბადების დღესთან დაკავშირებით ლიტერატურის გამოფენა.
17	შეხვედრა ფსიქოლოგ ქეთი ქურდამესთან თემაზე: „ეკრანდამოკიდებულება“
ხცისის ბიბლიოთეკა	
1	წიგნის საჯაროდ კითხვის დღე
2	პრეზენტაცია დავით აღმაშენებლის ცხოვრების და მოღვაწეობის შესახებ--
3	მისალოცი ბარათების დამზადება დედის დღესთან დაკავშირებით
4	პრეზენტაციის წარდგენა დედაენის დღესთან დაკავშირებით
5	„წაუკითხე ზღაპარი“ -სტუმრად საბავშვო ბაღში
6	დიადი მეფეები; პრეზენტაცია ალექსანდრე 1 დიდის შესახებ.
7	პრეზენტაცია „დიადი მეფეები“ -მეფე თამარის შესახებ.
8	დაუნის სინდრომის საერთაშორისო დღის აღნიშვნა.
9	მულტიმდის ჩვენება სკოლამდელი ასაკის ბავშვებთან.
10	ლონისძიება „მსოფლიო ოკეანის პრობლემები“
11	ფილმის ჩვენება სკოლის მოსწავეთათვის -"ენოლა ჰოლმსი" საბავშვო ბიბლიოთეკა
1	ახალი წიგნების გამოფენა;
2	პროექტი „სტუმრად ბიბლიოთეკაში“ ხაშურის #1 საბავშვო ბაღის არსაზრდელები (აღმზრდელები ირინა ლომიძე და ირინა ხაჩიძე);
3	წიგნის საჯაროდ კითხვის მსოფლიო დღე - 4 მკითხველის ვიდეო.
4	პროექტი „პატარა მხატვარი“- ნანუკა მთვარელიძის (#9სკოლა, მე-4 კლასი) ნახატების გამოფენა;
5	„სტუმრად ბიბლიოთეკაში“ ხაშურის #3 საბავშვო ბაღის აღსაზრდელები(მენეჯერი ნანი ბლიაძე, აღმზრდელი ცირა ჯუღელი).
6	„სტუმრად ბიბლიოთეკაში“ სოფელ ოსიაურის #12 საბავშვო ბაღი, 4-5 წლიანთა ჯგუფი (აღმზრდელი თამარ მახარაშვილი);

7	წიგნის მიმოხილვა რუბრიკაში „თუ ჯერ არ წაგიკითხავთ“- ჯოის ლანკასტერ ბრისლის 2 წიგნი: „მილი-მოლი-მენდი“ და „მილი-მოლი-მენდის ახალი თავგადასავალი“;
8	წიგნის მიმოხილვა რუბრიკაში „თანამედროვე ქართველი საბავშვო ავტორი“ ქეთევან კვიციანიის „მეგი პორპინსი და სხვა მოთხრობები“;
9	პროექტი „პატარა მხატვარი“- საბა მარნაძის (#9 სკოლა, მე-4 კლასი)ნახატების გამოფენა;
10	პროექტი „სტუმრად ბიბლიოთეკაში“ სურამის #2 სკოლის მე-4 კლასი(პედაგოგი მანანა ლომსაძე);
11	პროექტი „სტუმრად ბიბლიოთეკაში“ ხაშურის #7 სკოლის მე-2 კლასი (პედაგოგი ლია მეტივიშვილი);
12	წიგნის მიმოხილვა რუბრიკაში „ძველი წიგნების ახალი გამოცემები“- დანიელ დეფოს „რობინზონ კრუზო“;
13	შეხვედრა ავტორთან-მურად მთვარელიძის ახალი სამწიგნულის „თანამედროვე უფლისწული“ წარდგინება;
14	პროექტი „ბიბლიოთეკის როლი სასკოლო ცხოვრებაში“- ბიბლიოთეკარების(მ.აღაჯანოვი, ნ.ქიმერიძე) სტუმრობა სოფელ ტეზრის საჯარო სკოლაში, ბიბლიოთეკისა და წიგნის ისტორიისა და დანიშნულების, ბიბლიოთეკის სერვისების, რესურსებისა და მიმდინარე პროექტების გასაცნობად.
15	პროექტი „სტუმრად ბიბლიოთეკაში“ ხაშურის #5 სკოლის მე-1 კლასი (პედაგოგი ხათუნა კურტანიძე);
16	პროექტი „სტუმრად ბიბლიოთეკაში“-სოფელ ვაყის საბავშვო ბაღის აღსაზრდელები(მენეჯერი მაია ნინიაშვილი);
17	საბავშვო წიგნის საერთაშორისო დღე და ანდერსენის დაბადების დღე 2 აპრილი- ანდერსენის წიგნების გამოფენა;
18	წიგნის მიმოხილვა რუბრიკაში „თანამედროვე ქართველი საბავშვო ავტორი“- საბავშვო მწერლისა და ფსიქოლოგის თამარ ადამიას წიგნის „შემეცნებითი ზღაპრები“ მიმოხილვა.
19	ანდერსენის წიგნების გამოფენის მოწყობა საბავშვო წიგნის დღესა და 2 აპრილის ანდერსენის დაბადების დღესთან დაკავშირებით -3 აპრილი;
20	დედაენის დღის აღნიშვნა-14 აპრილი;
21	კალიგრაფიისა და სწრაფი კითხვის კონკურსები -აპრილის მეორე ნახევარი-მაისის პირველი ნახევარი.
22	კონკურსებში გამარჯვებულთა დაჯილდოება დ.ყიფიანის სკვერში.

კლარა გელაშვილი, ხაშურის მუნიციპალიტეტის საბიბლიოთეკო გაერთიანების მმართველი

სურამის ადმინისტრაციულ ერთეულში საგზაო ინფრასტრუქტურის მოწყობა აქტიურ რეჟიმში მიმდინარეობს

დაბა სურამში, გოგოლის ქუჩაზე, ბუტონის საფარის მოწყობის პროექტი ხორციელდება. სამუშაოების ღირებულება 102 494 ლარია. პროექტს ადგილობრივი ბიუჯეტი აფინანსებს.

აქტიურად მიმდინარეობს სოფელ ურთხვამი გზის მოასფალტების სამუშაოები. მოასფალტებასთან ერთად ეწყობა სანიაღვრეებიც. პროექტი, რომლის ღირებულებაც 487 778 ლარია, ადგილობრივი ბიუჯეტის მხარდაჭერით ხორციელდება.

მისასვლელი გზის რეაბილიტაციის სამუშაოები მიმდინარეობს სოფელ ბიჯნისშიც. უკვე დაგებულია ასფალტის პირველი ფენა. პროექტი სანიაღვრეების მოწყობასაც ითვალისწინებს. ადგილობრივი ბიუჯეტის მხარდაჭერით მიმდინარე სამუშაოების ღირებულება 1 610 836 ლარია.

როგორც გოგოლის ქუჩა, ისე სოფლები: ურთხვა და ბიჯნისი სურამის ადმინისტრაციულ ერთეულში მჭიდროდ დასახლებული უბნებია, სადაც მოწესრიგებული საგზაო ინფრასტრუქტურით ადგილობრივებთან ერთად დამსვენებლები და სურამის სხვა ვიზიტორებიც ისარგებლებენ.



უ ლ უ მ ბ ო

ფრაგმენტები სოფლის ისტორიიდან

(გაგრძელება. დასაწყისი №18,19,20,21,22,23,24,25,26)

ამა ჟამისა შედეგად გამოჰკაზმა საყდარი და იწყო შენებად სუეტთა საყდრისათა და სურვილით და მოწოდებულთა გონებას მათსა, რათა ძლუნად მიეპყრა მესამის მის ცათასათუის მეორედ მოსლვასა დღესა მას საშინელსა და ზარისსახდელსა, და ვინათგან სოფელი ესე ცრუ, მტყუანი და უნამუსო და უმდგომო არის, მან მისი ბეგარი არ დაიკლო და ამის მიერ ვეღარა სრულ-იქმნა სურვილითა საწადელი მისი“.

ალექსანდრე კიდევ ერთხელ ხაზს უსვამს, რომ იგი დავალებულია მისი აღმზრდელისაგან: „...ვითა ასრე მრავალფერად მათგან ჭირნახულსა მართებს და მრავალსა მათგან ჩუენზედა ზრდ[ა]სა და ვალდებულებობას ვემართლებით...“.

მეფე ყველა საერო ვალდებულებებისაგან ათავისუფლებს თბილელისძეებს: „...არავისრა საქმე უც ამა ჩუენგან შემოწირულთა თბილელასძეთა და მათსა მამულსა გუერდსა: არა [ა]ტენისა მცურობელთა და პატრონთა, არა [ა] მოურავთა, არა [ა] ნაცვალსა და გზირსა, არა [ა] მოასილთა, არა [ა] მეკულუხეთა, არა [ა] პურისა, საკლავისა, თეთრისა და სხუისა სახმრისა მკრებელთა და არას გუარსა და არას ნათესავსა, კარით ჩუენით წარვლენილთა მოსაქმეთა და მოსამსახურეთ[ა]. და გუითავისუფლებია და გუითარხნებია ყოვლისა სათხოვრისა და გამოსაღებისაგან, ვითა პირველ კათოლიკე საყდრისა დედაქალაქისა მცხეთისათუის შეწირულსა და მოხსენებულსა მართებს და მერმე პატრონსა და მის სულკურთხეულისა ბები[ი]სა ჩუენისა რუსასათვის საადაპედ შეწირულსა მართებს. აგრე არავისრა საქმე უც და ესრეთ შეიწირე ჩემ მიერ მცირე ესე ნალუწი, ვითარცა პირველ მწულიონი იგი“.

მაღალ შეფასებას აძლევს რუსას მოღვაწეობას ივანე ჯავახიშვილი: „...ნათლად ჩანს, რომ რუსას თავისი გაზრდილი შვილიშვილისათვის, მეფე ალექსანდრესათვის, დრმა სიყვარული და დიდი და გულწრფელი პატივისცემა ჩაუწერავს, როგორც დედობრივი მზრუნველობისა და ჭირნახულობისათვის, ისევე სწავლა-აღზრდისათვის. უეჭველია, რუსა არაჩვეულებრივი პიროვნება, დიდი მხნეობისა და ნებისყოფის პატრონი, ნამდვილი სახელმწიფოებრივ-აღმაშენებლობითი უნარითა და თაოსნობით დაჯილდოებული ადამიანი უნდა ყოფილიყო. თემურ-ლენგისაგან განადგურებულს საქართველოში პირველს მას გამოუჩენია ნამდვილი მამაცური მხნეობა: მრავალგვარი გაჭირვებისა და დაბრკოლებისდა მიუხედავად, ყველასათვის ქვეყნის განახლებისა და აღმაშენებლობის გამამხნეებელი მაგალითი მიუცია. იმ დროს, როდესაც ქვეყანა, „უსჯულოსა თემურის“ ველური შემოსევის შემდეგ, „უნუგეშინისცემოდ განსრული“ იყო, საქართველოს დიდებული საყდრები და ციხე-ქალაქები დანგრეული და მრავალხე უმრავლესი სოფლები გადაბუგული იდო, თანაც „მუდმივი ტყუენვა და რბევა იყო საქართველოსა“- აი ასეთ დროს მას, დედაცავს, უკვე კარგა ხანს ხანშიშესულს გული არ გაუტეხია და ბარბაროსთა ხელით დანგრეული ქართული ხელოვნებისა და ცხოველი სასოების მშვენიერი ძეგლის აღდგენას შესდგომია. ჭაბუკური აღტაცებით მიუყვია ხელი მას ამ დიადი საქმისათვის: „გამოჰკაზმა საყდარი და იწყო შენებად სუეტთა საყდრისათა“. ის უკვე ოცნებობდა ალბათ გატაცებით იმ ბედნიერ წამზე, როდესაც დიდი შრომის დაგვირგვინებას ეღირსებოდა, მაგრამ მუხთაღმა ბედმა და წუთისოფელმა, რომელიც ასე „ცრუ და მტყუანი, უნამუსო და უმდგომო არის“, რასაკვირველია, „მან მისი ბეგარი არ დაიკლო“ და ეგოდენ დიადი და მშვენიერი საქმის დამთავრება არ დაეცალა“.

კიდევ უფრო საყურადღებოა ისტორიკოსის შემდეგი სიტყვები: „რუსას ფასდაუდებელ ღვაწლს ისიც შეადგენს, რომ მას თავისი შვილიშვილისათვის, ალექსანდრე მეფისათვის - პირადი მაგალითით თუ სიტყვით და აღზრდით ქვეყნის კეთილდღეობაზე და აღმაშენებლობაზე ზრუნვის წყურვილი და მოვალეობის გრძობა ჩაუწერავს. ალექსანდრე მეფის მოღვაწეობის მთელს მიმზიდველობას და დიდს ღირებულებას საქართველოსათვის მისი ფართო გეგმითა და გამჭვირვებლობით წარმოებულ ალმაშენებლობა, თანაც დაულაღვი და მიზან-შეწონილი მუშაობა შეადგენს მტრისაგან განადგურებული ქვეყნისა და ერის აღსადგენად. უძვარფასესი ნიჭი და უნარია, როდესაც ერს თუ კერძო პიროვნებას განსაცდელისა და გაჭირვების, სიკვდილისა და ნგრევის დროს აღორძინებისა და აღმაშენებლობის წყურვილი და ხალისი არ დაუკარგავს. ეს საღი საზოგადოებრივი სხეულისა და ადამიანის ძლიერი მაკისცემა და ცხოველყოფილი დაუმრეტელი სიცოცხლის დამამტკიცებელია. ეს წყურვილი და გრძობა ალექსანდრე მეფისათვის როგორც ირკვევა, მის ბებიას, დიდ ქართველს მანდილოსანს, რუსას ჩაუწერავს“.

ქუენა ამირეჯიბის ასული ნათია - ალექსანდრე დიდის დედა „ახალი ქართლის ცხოვრების“ თანახმად გიორგი მეფის თანამეცხედრეა: „ესუა ცოლად ამირეჯიბს ქუენას ასული ნათია“.

იგივეს აღნიშნავს ვახუშტი ბატონიშვილი, რომელიც წერს, რომ „შემდგომად მეფის კონსტანტინეს წილ დაჰდა მეფედ ძმისწული მისი და ძე გიორგი მეფის ალექსანდრე“.

ამ ცნობებში ეჭვი შეიტანა ივ. ჯავახიშვილმა და გამოთქვა მოსაზრება, რომ ნათია კონსტანტინე პირველის მეუღლეა. დიდი მეცნიერი ეყრდნობა ალექსანდრე დიდის შვილის - გიორგი მეფის მიერ სვეტიცხოვლისათვის 1447 წლის 25 დეკემბრის მიცემული შეუვალობის სიგელს. ივ. ჯავახიშვილი აღნიშნავს, რომ „ალექსანდრე მეფის მამიშვილობის შესახებ ბატონიშვილი ვახუშტი თავის ისტორიაში ამბობს, რომ ის იყო კონსტანტინე მეფის „ძმისწული“ და „ძე გიორგი მეფისა“. სახელოვან ქართველ ისტორიკოსსაც, როგორც ეტყობა, ამ საკითხის შესახებ პირდაპირი და უეჭველი ცნობები არ ნქონია და ამის გამო, თავის აზრს შენიშვნაში ასე ასაბუთებს: „ჰმოწმობს ბარათიანთ გუჯარი, რომელ ესე ალექსანდრე ძე არს გიორგი მეფისა“-ო. მასამადამე, ვახუშტის მტკიცება სწორედ ამ საბუთზე ყოფილა დამყარებული“.

დიდი ისტორიკოსი ამის შემდეგ, სვეტიცხოვლისადმი 1447 წლის შეუვალობის სიგელზე დაყრდნობით, წერს: „ეს დასკვნა თვით ალექსანდრე მეფის შვილის გიორგი მეფის მკაფიო და უეჭველს განცხადებას სრულებით ეწინააღმდეგება. მცხეთის საკათალიკოზო მამულების 1447-48 წ. თავის გუჯარში ია ამბობს: „ჟამსა პაპის ძმისა ჩუენისა მეფეთა-მეფისა, გიორგისა და მეფობასა... შინა მისსა მოსრულიყო“ თემური საქართველოში. მერმე მშვიდობიანობა დამყარდა საქართველოში და „შემდგომად ამისსა ღირს ყო ღმერთმან მამა ჩუენი პატივსა მეფობისსა მოღებად“, რომელმაც სვეტიცხოვლის მცხეთის საყდარი განაახლა...“, ირკვევა, რომ ის გიორგი მეფეთ-მეფე რომლის დროსაც თემურის შემოსევა მომხდარა, მეფე ალექსანდრეს შვილის გიორგი მეფის „პაპის ძმა“ ყოფილა. აქეთგან ცხადია, რომ თვით ალექსანდრე გიორგი მეფეთა-მეფის შვილი კი არ ყოფილა, არამედ ძმისწული. მას შემდგომ, რაც ქუენა ამირეჯიბის მიერ დაწესებულს ადაპებში მოხსენიებულ პირთა ვინაობა ორის გარდა უკვე გამოკვეთული გვაქვს, ალექსანდრეს მამის ვინაობის გამორკვევაც შეიძლება. იმ ალაპებში მოხსენიებული იყვნენ რუსა, შემდეგ მეფე ალექსანდრე, მეფე კონსტანტინე, დედოფალი ნათია, გიორგი

მეფე და სულ ბოლოს რუსუდან მეფე. ამ პირთაგან რუსა ალექსანდრე მეფის ბებიაა და დედოფალ ნათიას დედა. მეფე ალექსანდრესა და მის დედას, დედოფალ ნათიას, შუა მოხსენიებული და მოქცეული კონსტანტინე ვინდა უნდა ყოფილიყო? თავისთავად იბადება აზრი, რომ კონსტანტინე მეფე ალექსანდრეს მამა, ხოლო ნათიას თანამეცხედრე უნდა ყოფილიყო. ჩვენ უკვე დავრწმუნდით, რომ ალექსანდრე მეფის მამის ძმად გიორგი მეფე ყოფილა. აქაც, ამ ალაპების სიაში კონსტანტინე-ნათიას ხსენებას გიორგი მეფის სახელი მისდევს და შესაძლებელია იგი სწორედ ალექსანდრე მეფის მამა კონსტანტინე მეფის ძმა იყოს. მართლაც, როგორც ვიცით, გიორგი მეფეთა - მეფეს, ბაგრატ მეფეთ - მეფის ძეს, რომელთა დროსაც, თემურის საზარელი შემოსევა მოხდა საქართველოში, ჰყავდა ძმა კონსტანტინე, რომელიც შემდეგ მეფედ დაჯდა. მამასადამე, ირკვევა, რომ ალექსანდრე მეფე კონსტანტინე მეფისა და ნათია დედოფლის შვილი და მართლაც გიორგი მეფეთა-მეფის, ბაგრატიონის ძის, ძმისწული უნდა ყოფილიყო“.

ისტორიკოსს, თავისი მოსაზრების განსამტკიცებლად, მოჰყავს 1407 წლის ერთი სიგელის დასაწყისი, რომელშიც ნათქვამია:

„სახელითა ღმრთისათა კონსტანტინესაგან ბაგრატიონისასა, მისა ბაგრატისა, და ძეთა ჩუენთა სასურველთა ალექსანდრე, ბაგრატ და გიორგისაგან ნებითა ღ- თისათა აფხაზთა, ქართველთა, რანთა, კახთა, და სომეხთა მეფეთა, შარვანშა და შანშე (სიც) და ყოვლისა აღმოსავლეთისა... ხელმწიფედ თუითმფლობელმპყრობელთასა“-ო. მამასადამე, აქ უკვე პირდაპირ არის ნათქვამი, რომ ალექსანდრე, რომელიც 1408 წ. ჯერ კიდევ ბატონიშვილი იყო მხოლოდ და რომელსაც, როგორც თვით ალექსანდრეს... სიგელეზითგან ჩანს, მართლაც ორი ძმა - ბაგრატო და გიორგი ჰყოლია, სწორედ კონსტანტინე მეფის ძე და, ეტყობა, პირმშო შვილი ყოფილა“ - დასკვნის მეცნიერი ივ. ჯავახიშვილი დედოფალ ნათიასთან დაკავშირებით წერს: „ქუენა ამირეჯიბის სიტყვითგან ჩანს, რომ დედოფალ ნათიას დიდხანს ვაჟიშვილი არ მისცემია და ამის გამო „დედოფალი ნათია ვით უბედო ყოფილიყო“. როგორც მამის მიღებულ იყო, იგი ძლიერს სალოცავებსა და ხატებს ევედრებოდა და სხვადასხვა აღთქმას სდებდა, რომ მათი ოჯახი უძეობით არ გადაშენებულიყო. ბოლოს ნატვრა აუსრულდა კიდევ: „შეეწყალა პატიოსანსა ულუმბისა ღვთისმშობელსა და მიეცა ძე“, რომელსაც დედ-მამამ ალექსანდრე დაარქვეს. დედოფალი ნათია თავის თავს იმდენად გაბედნიერებულად და შეწყალებულად გრძნობდა, რომ მოვიდა „კახეთით“ და ულუმბის ღვთისმშობლის მონასტრის „მოუტანა საქონელი უნიცხვი“ და შესწირა. ეტყობა ნათია დედოფალს კახეთში მოულოდინია და, ალექსანდრე ბატონიშვილი დაბადებულა თუ არა, აღთქმა მაშინვე აუსრულებია და შესაწირავი მიურთმევია ხატისათვის“.

ისტორიკოსი თედო ჟორდანი იმორწმებს „სამების ტყავის „სულთა მატიაწეში“ მე- XV საუკუნის ხელით ჩაწერილ ადასს“, რომლის თანახმადაც ნათია დედოფალი მონახონია. ჩანაწერი ეხება ალექსანდრე მეფეს, მის დედას ნათიას და მის ცოლს თამარს: „სულსა მის ყოვლისა არმოსავლეთისა ვიდრე დასავლეთამდის ხელმწიფედ ფლობით მპყრობელსა მეფეთა შორის წარჩინებულსა ალექსანდრეს შ[ეუნდო]ს ღმერთმან. სულსა დედისა მათისა ნათია - ყოვლისა ნინოს შ[ეუნდო]ს ღმერთმან. სულსა დედოფალთ-დედოფალსა თამარს შ[ეუნდო]ს ღმერთმან. ძენი მათნი მშვიდობით დაიცვას ღმერთმან“.

ქუენას ძე რამინი გვხვდება XV ს-ის 40-50-იანი წლების საბუთებში. თედო ჟორდანიას მიერ 1442 წლის ქვერმით მოთავსებული ანდერძის წიგნის მოწმეა რამინი გაბელიძე, მცხეთის ამილახორი.

1451 წელს რამინი გაბელიძე ამირეჯიბის სახელოს ფლობს, ხოლო მისი ძმა ჰასანი მცხეთის ამილახორია. საბუთი რომელიც ამის შესახებ ლაპარაკობს, წარმოადგენს სვეტიცხოვლისადმი თვით ამირეჯიბი რამინი გაბელაძის შეწირულობის წიგნს. მასში ნათქვამია:

„ქ(ართლის)სა კ(ათალიკ)ო(ზ)სა და პატრიარქსა დ(ავი)თს, ჩუენ გ(ა) ბელისძეთა, ამირეჯიბმან რამინ და თქუენისა საყდრისა ამილახორმან და ძმამან ჩემმან საჰამ(მა), შემოვსწირეთ და მოგახსენეთ კრცხილოანს ერთი გლეხი ლალასძე მისითა მამულითა უკლებლად, ერთი გლეხი ერგნეთს - ჯოხ(ას)ძე ორითა ვენახითა, და ერთი ვენახი სხვუავე შენი და ველი, მიწად სამისა დღისა“.

ამავე საბუთის თანახმად საჰამ გაბელიძეს ცოლად ჰყავს ქავთარაძის ასული. აღსანიშნავია, რომ 1451 წელს, გიორგი VIII წყალობის განახლების სიგელს აძლევს ამირეჯიბ რამინ გაბელიძეს და მის შვილებს: „გქონდეს ესე თემნი და ქვეყანანი, ციხენი და სიმაგრენი, მონასტერნი და სასაფლაონი, სოფელნი და აზნაურიშვილები, მათითა მამულითა საქართველოს და ლიხთიმერით - თქვენ ჩვენთა პაპათა და მამათაგან შეწყალებულთა და ყოველსა საქმესა ზედა ჩვენთა დიდად ერთგულთა და თავ-დადებთი ნამსახურთა. ჩვენთა თანა აღზრდილ - მუზრდილთა და ჩვენისა მორჭმისა და უზემთაედ ყოფისათვის მომჭირნე და თავ-გამომეტებულთა, ჩვენგან პატივ-ცემულთა და ბედნიერისა სახლისა ჩუენისაგან გაზედაებულთა, თავადთა, ვეზირთა და დარბაზისერთა შიგან საჩინო-გამორჩეულთა, ხელ-დიდათა და ლაშქარ-ქემიკთა, გაბელისძესა ამირეჯიბს რამინს და თქვენთა შვილთა: ამირეჯიბსა შანშეს, ამირეჯიბს ქუენას, გიორგის და აბესალამას, ყოვლისა დაბადებულისა კაცისაგან მოუდევარ-მოსარჩელად და შემოუცილებლად, დღესა რასაც მქონებელნი ხართ, დაგვიმტკიცებია და გვიბოძებია, ულუმბა მისითა შესავლითა, რაცა ლიხთამერით არის და ანუ ლიხთიმერი. ალი და ალის ციხე, ნაბახტევით მისითა შესავლითა. კვერცხოზი, ახალდაბა, ყორისი მისითა აზნაურისშვილებითა, წვიმოეთ ორნივე, ალექსიძენი მათითა მამულითა, თიღვა საყდრითა მისითა შესავლითა, ოქონის საყდარი მისითა შესავლითა, [სალოლაშენს] ჩიტლაძე მათითა მამულითა, ბაღათარისშვილი მათითა მამულითა, მწილასძე მათითა მამულითა, ძმობილაშვილი მათითა მამულითა, და ფლევითა, წვიმედისძე ნულითა, ბრემა, ატოცი, ავლევი, მცხეთის ჯვარი, წყვდელისი, ქალეთი, წორბისი, ყორნისი, ეკნეთი, აზისი, ჯღუარასძე, ქვენა სტკოცა, პილწათ უზანი. სამწე, ვარიანი, სომანეთი, ვაყა, გომნი, რიყის უზანი, დუმაცხო, ლიხთიმერი: რატისშვილი მისითა მამულითა, ალავისძე მისითა მამულითა, ჭალა მისითა შესავლითა, მრავალძალი მისითა შესავლითა, ბაქრაძენი მათითა მამულითა, წყაროელი მათითა მამულითა, საღმრთო მისითა შესავლითა, გვარნა და ტყირბული მისითა შესავლითა, გვიბოძებია და მოგვიხსენებია ესე მამულნი, მონასტერნი, სოფელნი და ესე აზნაურისშვილები მათითა მამულითა, სრულიად და უკლებლად და ამა ერთობილისა მამულებისა გასათვალავითა და შესავლითა მათითა, მითთა და ბართთა, და გორს მანოზური დანიბევა და დღეს რასაც მქონებელნი ხართ, წყლითა, წისქვილითა, ველითა, ვენახითა, ჭალითა, ტყით, სანადიროთა, სთიბითა, საყანითა, ეკლესიითა, სასაფლაოთა, შესავლითა და გამოსავლითა, სამებრითა და უძებრითა, სახმარითა და უხმარითა, მისითა სამართლიანითა, ერთობ სრულიად და უკლებლად და არავინ იყოს და არცა ვინ მკადრე გექმნას მოსარჩლე შემოცილებად და არას ჟამსა გამოსულისა და გარდასხვაებისათვის“.

თ. ლაცაბიძე

(გაგრძელება იქნება)

- ხელოვნება -

მარიამ ბულაძე: - მუსიკოსი, მუსიკის შესრულების დროს, თავადაა მუსიკა...

მაღალი საშემსრულებლო ოსტატობა, დახვეწილი ტექნიკა, ბგერის საოცარი შეგრძნება, მიზანმიმართულობა და მთავარი - შრომისმოყვარეობა... ასე ახასიათებენ მარიამ ბულაძეს ხელოვანთა წრეში, მუსიკოსს, რომელიც ჩვენს ქალაქში გაიზარდა და დღეს ევროპის სცენებს იპყრობს და რომლისთვისაც ხაშური დღემდეა უღვიპი სიხარულის ქალაქი.

- მარიამ, შენი ბიოგრაფიის შტრიხები...

მოგესალმებით. პირველ რიგში, დიდი მადლობა ამ ინტერვიუსთვის. იმედია ჩემი ამბები მკითხველს თუნდაც მცირე სტიმულს მისცემს.

მე ვარ მარიამ ბულაძე, მევიოლინე. დაბადებული და გაზრდილი საქართველოს შუაგულ ქალაქ ხაშურში. რადგან ჩემი ბებია - ლიანა მუმლაძე მევიოლინეა, დედა


- თეა ინასარიძე კი პიანისტი, მუსიკალური განათლების მიღება სკოლაში შესვლამდე, 3 წლის ასაკში მათი წყალობით დავიწყე. 6 წლიდან კი, ხაშურის მე-6 საჯარო სკოლის პარალელურად, თბილისის მუსიკალურ სკოლა - „ნიჭიერთა ათწლედში“ ჩავირიცხე, საქართველოს ფილარმონიის სოლისტის - პროფესორ როდამ ჯანდიერის კლასში. საკმაოდ რთული იყო განათლების მიღების მიზნით ორ ქალაქს შორის, მინიმუმ კვირაში ორჯერ მოგზაურობა, მაგრამ მთელი ჩემი სანათესაო ჩემს გვერდით იდგა, მათი უდიდესი ხელშეწყობით და დახმარებით შევძელი ამ რეჟიმში, 9 წლის მანძილზე, სწავლა. შემდეგ კი, საბედნიეროდ, გამოჩნდა ქალბატონი მანანა დოიჯაშვილის



ინიციატივით დაარსებული სპეციალური პროექტი, რომელიც ითვალისწინებს რეგიონებში მცხოვრები ნიჭიერი ბავშვების მოძიებას და მათი მუსიკალური განათლების (და ცხოვრების) სრულად დაფინანსებას კონსერვატორიასთან არსებულ სამუსიკო სემინარიამში. უნდა აღინიშნოს, რომ ეს სკოლა ერთადერთია საქართველოში, რომელიც გაერთიანებულია ზოგადსაგანმანათლებლო სკოლასთან, რაც ბავშვებს, რომლებიც სერიოზულად არიან დაინტერესებული მუსიკის შესწავლით და მიზნად აქვთ ამ პროფესიის არჩევა, საშუალებას აძლევს მიიღონ ზოგადი და მუსიკალური განათლება ერთ შენობაში, ინტეგრირებული სწავლებით.

სემინარიის დამთავრების შემდეგ, ჩავირიცხე თბილისის სახელმწიფო კონსერვატორიაში, სადაც, როდამ ჯანდიერთან სწავლის პარალელურად, მქონდა ბედნიერება მესწავლა საქართველოს ბევრ გამოჩენილ არტისტთან, სახელმწიფო კვარტეტის წევრებთან, სიმფონიური ორკესტრების წევრ მუსიკოსებთან. ბაკალავრიატის ბოლო, მე-4 წელი, ერასმუს პროგრამის დაფინანსებით, გავიარე უნგრეთში, ბუდაპეშტის ლისტის აკადემიაში, სადაც ჩემი პედაგოგი იყო, ერთ-ერთი წამყვანი ორკესტრის - „კონჩერტო ბუდაპეშტის“ პირველი ვიოლინო - ჟოფი კორნეი. მიინდა აღვნიშნო, რომ ეს წელი შეიძლება ჩაითვალოს ერთ-ერთ გარდამტეხ პერიოდად ჩემს ცხოვრებაში. ძალიან მნიშვნელოვანია მუსიკალური აზროვნების მრავალფეროვნება, რასაც ნამდვილად განაპირობებს სხვადასხვა მუსიკალური კულტურის მუსიკოსებთან ურთიერთობა, მასტერკლასების მიღება ან კონცერტებზე დასწრება.

ამ საოცარი გამოცდილებით დავბრუნდი საქართველოში და სწავლა გავაგრძელე კონსერვატორიის სამაგისტრო პროგრამაზე. რადგან ერასმუს პროგრამა ასე ბედნიერად მომეხდინა, კიდევ ერთხელ ვვადე ბელი. ამჯერად კი ავსტრიაში ვენის მუსიკისა და სახვითი ხელოვნების უნივერსიტეტმა (MDW) მიმიღო. ვერ აღვწერ, რამდენად ღირებული იყო თითოეული გაკვეთილი რაინერ უხლთან - მევიოლინესთან, რომელიც ვენის ფილარმონიული ორკესტრის პირველი ვიოლინოს პოზიციას 45



წლის მანძილზე იკავებდა. ნამუშევარი აქვს ისეთ ცნობილ დირიჟორებთან, როგორებიც არიან ლეონარდ ბერნშტეინი, კლაუდიო აბადო, კარლოს კლაიბერი, რიკარდო მუტი და სხვანი. მანამდე ალბათ მარტო თუ ვიციანებელი, რომ ერთი მასტერკლასი მიმელო მსგავსი რანგის მუსიკოსისგან, ახლა კი, მე ვყოფილიყავი მისი სტუდენტი - დაუჯერებლად ჟღერდა. სამწუხაროდ, პანდემიის გამო, ბევრი რამ შეზღუდული იყო, მაგრამ უდავოდ ღირდა იქ გატარებული ყოველი წუთი.

ამჟამად ვცხოვრობ ბუდაპეშტში, ახლახანს

დავამთავრე მეორე მაგისტრატურა ლისტის აკადემიაში. მყავს მოსწავლეები და ვცდილობ, რაც შეიძლება აქტიურად ჩავერთო სხვადასხვა პროექტსა თუ კონცერტში.

რა თქმა უნდა, ჩემი პროფესიის გარდა არის აქტივობები, რომლებსაც თავისუფალ დროს ვუქცევ თავს. მიყვარს ხელნაკეთ ნივთებზე მუშაობა, ხატვა, მოგზაურობა, სხვადასხვა კულტურის გაცნობა, არქიტექტურის შედეგების ნახვა. ჩემთვის ძალიან საინტერესოა კულტურების მრავალფეროვნება. 2022 წლის ზაფხულში მომიწია სამხრეთ კორეაში მოგზაურობა, კორეული სიმფონიური ორკესტრის პროექტისთვის. ეს იყო ჩემი პირველი ვიზიტი აღმოსავლეთ აზიის ქვეყნებში. ევროპის შემდეგ, აქ ნამდვილად მივიღე კულტურული შოკი.

რაც უფრო მეტს ვმოგზაურობ, მით უფრო ვრწმუნდები ერთ რამეში. არ არის გადაჭარბება, რომ საქართველოს აქვს უკიდურეს პოტენციალი, საოცრად დიდი კულტურა, ტრადიციები, მრავალფეროვანი ბუნება, ნაყოფიერი მიწა, წყალი და კლიმატი. უბრალოდ, ჩვენი ქვეყანის განვითარებისთვის ჩვენ უნდა ვიმშრომოთ,

ქართველებმა, ქვეყნის მიგნით თუ გარეთ.

- მარიამ, შენი ბავშვობა, მე ყოველთვის ინსტრუმენტით ხელში მახსოვხარ...

ჩემი თავი ვიოლინოს გარეშე არ მახსოვს. ჩემი ბავშვობის ყველა მოგონება მუსიკასთან და ხელოვნებასთან ასოცირდება. ჩემი ბაბუ - ომარი ინასარიძე არაჩვეულებრივი მხატვარი იყო. ჩემს ბიძაშვილებსაც ძალიან მჭიდრო კავშირი აქვთ ხელოვნებასთან, ამიტომ ეს სფერო მუდმივად ჩემს გარშემო ტრიალებდა. ბებომ და დედამ დიდი პასუხისმგებლობა აიღეს საკუთარ თავზე, რომ პატარა ასაკიდანვე მოეცა მუსიკალური განათლება. დღეს-დღეობით მე თავად ვასწავლი ვიოლინოს სკოლამდელი ასაკის ბავშვებსაც და უფრო მეტად ვხვდები, რამხელა შრომა, მოთმინება, წვალება და ენერჯია არის ჩადებული ჩემი, როგორც მევიოლინეს აღზრდის პროცესში.

ყოველმხრივ ძალიან კარგად მახსენდება ბავშვობის წლები. მართალია მაშინ სტომატოლოგობაზე და ბალერინობაზე ვოცნებობდი, მაგრამ კარგია, რომ გზადაგზა აზრი შევიცვალე.

- ბავშვობის მთავარი ამბავი, ბავშვობის შთამბეჭდავი მთავარი ამბავი...

მთელი ბავშვობა ვერ ვაანალიზებდი, თუ რამდენად შთამბეჭდავი იყო ის ყველაფერი, რაც მუსიკას და ვიოლინოს მოჰქონდა ჩემს ცხოვრებაში. იმდენად ჩვეულებრივი იყო, რომ განსაკუთრებულს ვერაფერს ვხედავდი. ამიტომ კონცერტებმა, კონსერვატორიის თუ სხვადასხვა დარბაზებში, მაშინ ვერ მომიტანა დიდი აღფრთოვანება. რა თქმა უნდა, ახლა რამდენჯერაც არ უნდა დავუკრა ნებისმიერ სცენაზე, ყოველ ჯერზე ვგრძნობ ისეთ აღტაცებასა და სიხარულს, თითქოს პირველად ვიდგე სცენაზე. მაგრამ მაშინ, ჯერ კიდევ ბავშვური აზროვნებით ვერ დავაფასე თითოეული შესაძლებლობა.

სამაგიეროდ ნამდვილად საოცრად აღიბეჭდა ჩემს გონებაში შემდეგი შემთხვევა: სამების ტაძრის ქვედა დარბაზში ვიყავით, საპატრიარქოს მიერ ორგანიზებულ ნახატების კონკურსზე, სადაც მონაწილეობას ვიღებდი. ძალიან დიდ დარბაზში ასევე გიგანტური სვეტები თვალსაწიერს ბლოკავდა. უეცრად გაისმა საოცარი გალობა, მამაკაცთა გუნდის ხმა, მაგრამ თითქოს ეს იყო უზარმაზარი გუნდი, მთელი გარემო მოიქცა შთამბეჭდავ ჰარმონიებში, თითქოს დარბაზის თითოეული კუთხე - კუნჭული მღეროდა. თავი არაამქვეყნიურ განზომილებაში ვიგრძენი. ვფიქრობდი, თუ საიდან მოდიოდა ეს უზარმაზარი ხმა, ვეძებდით სად იყო გუნდი, ან სად დაეტია ამდენი მომღერალი... მხოლოდ რამდენიმე წუთში აღმოვაჩინეთ, რომ უბრალოდ, სამების გუნდის ხუთ წევრს რეპეტიციის გავლა განუზრახავს სადღაც, დარბაზის ერთ-ერთ კუთხეში...

- მუსიკა... მუსიკის როლი შენს ცხოვრებაში... რატომ მუსიკა, ვიოლინო...

მუსიკას როლი არ აქვს, ის უბრალოდ მთლიანად მოიცავს ჩემს ცხოვრებას. ჩემი ცხოვრების ყველა დეტალი მუსიკასთან არის დაკავშირებული, რადგან ჩემი ცხოვრება არსებობს მუსიკის მიგნით. ძალიან მიყვარს ზოგადად, ხელოვნება, შემოქმედებითი პროცესი, ახალი გზების, გამომსახველობების პოვნა, თავისუფლება და ემოციები. ჩემი ხასიათის თვისებებიდან გამომდინარე აუცილებლად ხელოვნებას ავირჩევდი ადრე თუ გვიან. საბედნიეროდ, ჩემი ოჯახის მრავალი წევრი ხელოვანია და ამიტომ დიდი ხანი არ დამჭირდა ეს გზა მეპოვნა.



- რატომ ვიოლინო? ამაზეც ბედმა გამიღიმა. რეგულარულად ვუყურებდი, როცა ბებო ჩემს ბიძაშვილს ვიოლინოს გაკვეთილებს უტარებდა და ბავშვურად, გულბრყვილოდ დავინტერესდი. რა თქმა უნდა, მაშინ არ მესმოდა ამ ინსტრუმენტის კომპლექსურობის ნატამალი, მაგრამ ბებომ მოახერხა არ დაეკარგა ჩემი ინტერესი და ნელ-ნელა უზადო პედაგოგიური მეთოდებით და უნარებით, სათუთად გააღვივა და განავითარა.

პატარა ასაკიდან დამოუკიდებლად ცხოვრება, რთული იყო პროფესიაში გზის გაკვლევა...

რა თქმა უნდა, ყველა სფეროს აქვს თავისი სირთულე, პროფესიის დაუფლებას სჭირდება დიდი შრომა, მაგრამ პროფესიონალად ჩამოყალიბება განსაკუთრებით დროში გაწელილი პროცესია ხელოვნებისთვის. დიდი მნიშვნელობა აქვს, თუ რამდენად ადრეულ ასაკში დაიწყებს ბავშვი ინსტრუმენტთან შეხებას. განსაკუთრებით ვიოლინო, საკმაოდ რთული და კომპლექსური ინსტრუმენტია. წლები სჭირდება მხოლოდ ნორმალური ბგერის გაქვეყნებისთვის. უკვე შემდეგ მოდის ტექნიკაზე და სირთულეებზე მუშაობა.



პირადად მე, 12 წლის ასაკიდან, მარტო დავდიოდი ხაშურიდან თბილისში მუსიკის გაკვეთილებზე, 15 წლის ასაკში კი მომიწია დამოუკიდებელი ცხოვრების დაწყება, საცხოვრებლად თბილისში გადასვლა, სემინარიის პროექტის საშუალებით. ვფიქრობ, რომ ძალიან მნიშვნელოვანია მოზარდის განვითარებისთვის, თავიდანვე მიეჩვიოს პასუხისმგებლობების საკუთარ თავზე აღებას, გამოსავლების ძიებას და დამოუკიდებლად ფიქრს. რა თქმა უნდა, ამ ასაკში ოჯახის და ახლობლების ყოველდღიური მეთვალყურეობის ქვეშ ხარ და მათი იმედი ყოველთვის გაქვს. მაგრამ

(გაგრძელება მე-6 გვერდზე)

- ხელოვნება -

მარიამ ბულაძე: - მუსიკოსი, მუსიკის შესრულების დროს, თავადაა მუსიკა...

(დასასრული)

ის დეტალები, რაზე ფიქრზე გიწევს ოჯახისგან დამოუკიდებლად ცხოვრების დროს, მაინც ავითარებს ისეთ უნარ-თვისებებს, რასაც, ოჯახში ცხოვრების დროს, იშვიათად და ზოგჯერ ვერასდროს ვერ შეიტვისებ.



სათავე მიდის ჩემი ბავშვობის სახლთან, სურამულასთან, სკვერთან, ღორინამკალის



ხედთან, მე-6 სკოლის ფანჯრიდან დანახულ თოვლიან ეზოსთან, სადამოობით ფალიაშვილის ქუჩაზე მოთამაშე ბავშვებთან. ხალხი - უზომოდ ნიჭიერი, თბილი. ფიზიკურად არა, მაგრამ ჩემი ფიქრებით ხაშურში ვცხოვრობ. სულ თავს ვადევნებ სიანლებს, ახალი წრეების, ხატვის სკოლების, მუსიკალური სკოლის, ბენდების, მოცეკვავეების, სპორტსმენების, მოსწავლეების წარმატებებს და უზომოდ მახარებს ჩვენი ქალაქის წინ გადადგმული თითოეული ნაბიჯი.

ვიცი, ბევრს შეიძლება გაეღიმოს, მაგრამ პესიმიზმის გამო დავნებდით, ვეღარ ვხედავთ ქალაქის პოტენციალს. არადა ჩვენ, ხალხს შეგვიძლია დიდი წვლილი შევიტანოთ საკუთარი ქალაქის განვითარებაში.

ვისურვებდი, რომ თითოეულმა ჩვენგანმა ავიღოთ საკუთარ თავზე ქალაქზე ზრუნვის პატარა პასუხისმგებლობა, მოვუფრთხილდე და წინ წავწიოთ იგი.

სამომავლო გეგმები...

ამჟამად, დროებით მინდა პაუზა ავიღო სწავლისგან და სრულად გადავიდე მოსწავლეებთან მუშაობაზე, ასევე აქტიურ საკონცერტო ცხოვრებაზე. სამომავლოდ ჩემი პრიორიტეტია, რაც შეიძლება მეტად ვიყო ჩართული სამემსრულებლო პროექტებში საქართველოში და საზღვრებს გარეთ.

ამ ზაფხულში უკვე დაგეგმილია ერთი პროექტი, ქართული მუსიკის სადამო ბუდაპეშტში. ინიციატორი ჩემი ერთ-ერთი უნგრელი მეგობარი მუსიკოსია, რომელიც საოცრად გატაცებულია ქართული კულტურით, მუსიკით, ენით. კონცერტის სახელწოდებაა „ქართულად“, სადაც შესრულდება აზარაშვილის, ყანჩელის და სხვათა ნაწარმოებები. ჩემთვის, როგორც ქართველისთვის, ძალიან საამაყოა ის ფაქტი, რომ უცხო ქვეყნის მოქალაქე ასე აქტიურად ავრცელებს ქართულ კულტურასა და მუსიკას.

გარდა ამისა, ასევე ძალიან მინდა მომავალში მექონდეს მჭიდრო კომუნიკაცია ქართველ ახალგაზრდა მევიოლინეებთან, მივცე მოტივაცია და გავუზიარო გამოცდილება.

- შენი საოცნებო შესრულება, საოცნებო საკონცერტო დარბაზი...

სიმართლე გითხრათ, საოცნებო საკონცერტო დარბაზი ჯერ-ჯერობით არ მაქვს. ბედნიერი ვარ ნებისმიერ სცენაზე, რამდენადაც მაქვს აქტიური სამემსრულებლო ცხოვრება. მაგრამ მსოფლიოს საუკეთესო ხელოსნების რომელიმე ინსტრუმენტზე (სტრადივარიუსი, გვარნერი, ამატი...) დაკვრაზე კი ნამდვილად ბევრჯერ მიოცნებია. ძალიან მინდა შევიგრძნო ის ბგერა, ამდენი საუკუნის განმავლობაში ლეგენდად რომ არის ქვეული.

- შენი გეგმები თუ იკვეთება შენს ქალაქთან რაიმე სახით...

ნებიერი გეგმა ან იდეა, რაზეც კი ვფიქრობ იწყება შეკითხვით: - შემიძლია ამ იდეის ხაშურში განხორციელება? თუ პასუხი უარყოფითია, ვცდილობ, ვიფიქრო, რა შეიძლება შეიცვალოს იმისთვის, რომ განხორციელდეს მსგავსი პროექტი. ხოლო თუ პასუხი დადებითია, ვცდილობ ჩავეჭილო იდეას და, შეძლებისდაგვარად, განვახორციელო. სამწუხაროდ, ამ ბოლო წლების განმავლობაში, ძალიან იშვიათად მიწევს ხაშურში ყოფნა, მაგრამ ვიმედოვნებ, რომ მომავალში მექნება საშუალება ხშირად ჩამოვიდე და დავგეგმო მრავალი მუსიკალური პროექტი ჩვენი პატარა ქალაქის არაჩვეულებრივი სამუსიკო სკოლის (და არამარტო) მუსიკოსებთან ერთად, რომლებიც ნამდვილად არიან მოკლებული იმ დაფასებას, ოვაციებს და აქტიურ სამემსრულებლო ცხოვრებას, როგორცაც იმსახურებენ.

თეა ახალკაცი

- ხასიათის შტრიხები....

ვფიქრობ, რომ მაქვს არტისტული და შემოქმედებითი ხასიათი. მიყვარს მშვიდად, მაგრამ ინტენსიურად ნაბიჯების გადადგმა ჩემთვის სასურველი მიზნისკენ. ვარ მგრძობიარე დეტალებისადმი, ასევე ემოციური რაც ალბათ ყველა ხელოვანის დამახასიათებელი თვისებაა.

ჩვენ, ხელოვანები არ ვქმნით ემოციებს, თავად ვიქცევით ემოციებად. ჩვენ უნდა გამოვცადოთ ემოციათა ფართო პალეტი, უნდა გავიაროთ ყველანაირ განცდაში და ჩვენი ხელოვნების საშუალებით გამოვასხივოთ გარემოში. შემსრულებელი მუსიკის შესრულების დროს თავად არის მუსიკა. ეს არის განსხვავება სხვადასხვა დონის მუსიკოსს შორის. ზოგი უკრავს მუსიკას, ზოგი კი თავად იქცევა მუსიკად და ეს მსმენელისთვისაც კი იმდენად ორგანული გრძობაა, რომ წარუშლელ შთაბეჭდილებებს ტოვებს.

- მთავარი მიღწევა შენს ცხოვრებაში...

მიღწევაა ალბათ ის თითოეული წუთი, როცა ჩემმა შესრულებამ მსმენელს რაღაც აგძნობინა, დააფიქრა. ყოველივე ეს - სწავლა, უნივერსიტეტი, აკადემია, ხელოვნებაში არის უბრალოდ გამოცდილების მიღების ხერხები. საბოლოოდ, ხელოვანი არა არის დიპლომით, არამედ თავისი შემოქმედებით ფასობს. შემოქმედება ყოველთვის ინდივიდუალურია და



სწორედ ეს ხდის ნამუშევარს უნიკალურს. ინდივიდუალიზმის პოვნა და განვითარება კი ერთადერთ ადამიანს - საკუთარ თავს შეუძლია. ამიტომ ნებისმიერი წინ გადადგმული ნაბიჯი საკუთარი თავის შეცნობისკენ არის მთავარი მიღწევა ჩემთვის.

- პირადი ამბები...

ამჟამად, ჩემი დრო სრულად დაკავებულია ჩემს საქმიანობით, ოჯახით, მეგობრებით და სხვადასხვა აქტივობებით. ვცდილობ, უკეთ დავგეგმო ჩემი სამომავლო მიმართულება, შევისწავლო საკუთარი თავი და გარემო.

- შენი ქალაქი შენს ცხოვრებაში...

უზომოდ მიყვარს ხაშური. მთელი ჩემი ბავშვობა საქართველოს შუაგულში მდებარე ამ პატარა ქალაქს უკავშირდება. ჩემთვის ყველაფერი აქ დაიწყო და ყველა მოგონების

ა(ა)პ საშურის მუნიციპალიტეტის გაზეთი „საშურის მოამბე“. დირექტორი და გაზეთის რედაქტორი გიორგი გოგალაძე, მისამართი: საშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: საზინის ერთიანი ანგარიში, საიდენტიფიკაციო კოდი 443860984, სახელმწიფო საზინა TRESGE22, სახაზინო კოდი: 749547499. D-ით მონიშნული სტატია იბეჭდება დაკვეთით გაზეთი იბეჭდება თბილისში.